



COMUNU DE BARUMINI
c.a.p. 09021 - Provìncia de su Campidanu de mesu
Viale Santu Franciscu, 5 - tel. 070/9368024 - fax 070/9368033
Email: segreteria@comunebarumini.it



DELIBERATZIONI DE SA GIUNTA COMUNALI

N. 42 de su 6 de argiolas de su 2009

Ogetu : Traballus po ponni a postu su spratzinu acanta de su campu sportivu e traballus po ponni is luxis in su campu po giogai a calcetu.

Aprovatzioni de su progetu definitivu esecutivu .

Su 6 de argiolas de su duamillanoi, a is undixi de mangianu in s'apostu de is adunanzas de su Comunu nomenau asuba, cunvocada cun apositus avisus sa Giunta Municipali s'est riunida cun sa presèntzia de is Sinnoris

| Sangùnau / Nòmini | In callidadi de | Pres. | Ass. |
|-------------------|-----------------|-------|------|
| Lilliu Emanuele | Sìndigu | X | |
| Zedda Vincenzo | Assessori | X | |
| Corona Marcello | Assessori | X | |
| Murgia Alessandro | Assessori | | X |
| Pistincu Sandro | Assessori | X | |

Partècipat su Segretàriu Comunali Dott. Sebastiano Liori

Su Presidenti, riconota sa legalidadi de s'adunàntzia, de crarat aberta sa riunione e invitat sa Giunta a deliberai asuba de s'argomentu in ogetu.

SA GIUNTA COMUNALI

CUNSIDERAU ca s'Aministratzioni Comunali cun determinatzioni de su Responsabili de s'Uficiu Tènnicu at incarrigau s'Ing. Stefano Demuro a fai su progetu e a dirigi is traballus po ponni a postu sa pratza acanta de su campu sportivu comunali e po ponni sa luxi in su campu po giogai a calcetu.

ARREGODADA sa deliberatzioni G.C. n. 40 de su 1.07.2009 ca aprovat su progetu preliminari po sa sistematzioni de sa pratza acanta de su campu sportivu comunali e po sa predisposizioni de is luxis, fatu de s'Ing. Stefano Demuro de s'Uficiu Tènnicu Comunali po 37.000,00 eurus

CUNSIDERAU ca tocat a aprovai su progetu definitivu esecutivu po ponni a postu sa pratza acanta de su campu sportivu comunali e po ponni sa luxi in su campu de giogai a calcetu, fatu de s'Ing. Stefano Demuro de s'Uficiu Tènnicu Comunali po 37.000,00 eurus.

BIA sa relatzioni tènnica e su cuadru dividiu aici:

| | | |
|---------------------------------|------|-----------|
| - Importu de traballus a s'asta | Euro | 32.000,00 |
| - Importu po sa sigureza | Euro | 489,29 |
| - Importu lordu de su traballu | Euro | 32.489,29 |
| - iva 10% | Euro | 3.248,93 |
| - agiudu art. 92 D.Lgs 163/2006 | Euro | 649,79 |
| - rilievus topograficus | Euro | 612,00 |
| - totali dinai a disposizioni | Euro | 4.510,71 |

Traballu in totali **Euro 37.000,00**

BIA sa validatzioni de su Responsabili de su procedimentu segundu s'art. 47 de su DPR n. 554/99;

BIA sa lei n. 109/94 e D.Lgs 163 /2006 e atras modificas e integratzionis;

BIU su DPR n. 554/99 ;

BODDIA sa sceda bona de su Responsabili de s'Uficiu Tènnicu segundu s'art. 11 de sa L.R. n. 24/1987

BODDIUS is pareris favorevolis de is Responsabilis de is servitzius interessaus segundu s'art. 49 de su D.Lgs n. 267 de su 18.08.2000 cun regolaridadi tènnica e contabili;

Cun totus de acordu

DELIBERAT

1) DE APROVAI su progetu definitivu esecutivu po ponni a postu sa pratza acanta de su campu sportivu comunali e po ponni sa luxi in su campu de calcetu, fatu de s'Ing. Stefano Demuro po 37.000,00 eurus;

2) DE FAI FRONTI a sa spesa apitzus de su capitolu 3227

3) DE INCARRIGAI su Responsabili a fai cussu chi serbit.